



Synfocity = 816

mail us at : mzsynfo@gmail.com; mizoramsynod@gmail.com - Phone - 2314648

October 28, 2021

- ❑ **Synod hnuai Board leh Committee peng hrang hrang an thu**
Synod Inkhawmpui atana Board leh Committee peng hrang hrangte inruahman lawkna Committee chu Oct. 18, 2021 (Thawhtanni) atang khan neih tan a ni.
Oct. 25, 2021 (Thawhtanni)-ah Theological Education Board, Oct. 26, 2021 (Thawhlehi)-ah Synod Hospital Board, Oct. 27, 2021 (Nilaini)-ah Pastoral Committee, Oct. 28, 2021 (Ningani)-ah Education Board an thu a, Oct. 29, 2021 (Zirtawpni)-ah SL&PB an thu ang. Meeting hrang hrang hi Synod Moderator Rev. Dr. C. Lalhlira'n a kaihrui a, Meeting-ah hian Secretary report leh Treasurer report te, agenda dangte leh Synod inkhawmpuia report tur Secretary-in a buatsaih te sawiho thin a ni.
Synod hnuai Board leh committee peng hrang hrang te Nov. 1 - 3, 2021 chungin hetiang hian an thu leh ang, Nov. 1, 2021-ah Synod Trust committee, Nov. 2, 2021-ah Synod Social Front, Nov. 3, 2021-ah Synod Worship Committee.
- ❑ **College of Nursing Building thar hawng**
Oct. 26, 2021 (Thawhlehi) chawhnu dar 1 khan Synod Hospital, Durtlang-a College of Nursing building thar hawna leh Pathian hnena hlanna inkhawm neih a ni.
Building hawna inkhawm hi Hospital Director Dr. LH Thanga Singson-in a kaihrui a, Mizoram Chief Minister Pu Zoramthanga'n building thar hi a hawng a ni.
Building thar hawn zawh hian Nursing College Hall-ah inkhawm tawi neih nghal a ni a, he hun hi Rev. B. Sangthanga, Executive Secretary i/c Hospital-in a kaihrui a, Dr. Lalbiakmawia Ngente, Architect-in Technical Report a pe a. Synod Moderator Rev. Dr. C. Lalhlira'n thu sawiin Building thar hi Pathian hnena a hlan a, Chief Minister Pu Zoramthanga'n thu a sawi bawk. Upa Lalrinmuana, Synod Secretary leh Hospital Coordinator ni bawkin lawmthu sawiin Rev. Lalramliana Pachuau, Synod Finance Officer-in malsawmnain inkhawm a tin a ni.
College of Nursing Main building sak hna hi Dec. 1, 2017 khan bultan niin Sept. 30, 2021 khan zawh fel a ni a. Ram feet 6,240 bial (sq. ft.) a zau awhin, chhawng li (4) a sak a ni a. A sak hna hi L.B Associates ten an thawk a. Administrative Office, Lecture room, Laboratory, Library, Audio-visual room, Auditorium, Computer lab., etc. awm tura ruahman a ni. Building thar hi North Eastern Council (NEC) atanga sum hmuh Rs. Nuai 833 hmanga sak a ni.
- ❑ **Mizoram Christian College (MCC)-in Thisen pek runpui an nei**
Mizoram Christian College (MCC) NSS Unit-te chuan Oct. 25, 2021 (Thawhtanni) khan Civil Hospital Blood Bank tan thisen unit 57 an pe a. Thisen petute hi mipa 46 leh hmeichhia 11 an ni.
MCC NSS Volunteers bakah zirtirtu leh staff te pawhin an pe bawk.
Mizoram Christian College (MCC) hi Mizoram Synod din niin Oct. 5, 2020 khan hawn a ni a, Class pawh 2020 - 2021 session atangin tan nghal a ni. Tun dinhmunah zirlai 236 leh thawktu Principal leh Staff mi 23 an awm mek.
- ❑ **MSSU**
MSSU leh Synfo buatsaih TV leh Youtube kaltlanga Kristian Naupang pual rawngbawlina chu kalpui mek niin Oct. 15, 2021 (Zirtawpni) atangin tihchhuah tan a ni a, he Kristian naupang pual rawngbawlina hi kartin Zirtawpni apianga tihchhuah tum a ni bawk.
- ❑ **Presbyterian English School (PES)**
Oct. 28, 2021 (Thawhlehi) khan Samlukhai leh Sialsuk-ah PES Programme-in Supervisor of Schools Pu P.C Vanlalhrui a kal.
- ❑ **Synod Mission Board leh ram pawn chet velna**
 - ◆ **Nepal Mission Field**
Oct. 23, 2021 (Inrinni) khan ringthar 5 Lal Isua zui turin an inpe.
 - ◆ **Jharkhand Mission Field**
Oct. 24, 2021 (Pathianni) khan Field chhung hmun hrang hrangah ringthar 9 Lal Isua zui turin an inpe.

♦ **Lucknow Mission Field**

Oct. 24, 2021 (Pathianni) khan Lucknow Mission Field chhunga Meethepur Kohhran Biak In thar chu Field Secretary-in a hawng a, Biak In thar hi Bungkawn kohhran sum aṅanga sak a ni a, hawnna inkhawmah hian ringthar 3 Lal Isua zui turin an inpe nghal a ni.

♦ **Siliguri Mission Field**

Oct. 24, 2021 (Pathianni) khan ringthar 3 Lal Isua zui turin an inpe.

♦ **Assam Mission Field**

Oct. 24, 2021 (Pathianni) khan ringthar 4 Lal Isua zui turin an inpe.

♦ **Odisha (Orissa) Mission Field**

Adava Pastor Bial chhūnga Chipraguda Area-ah Oct. 23, 2021 (Inrinni) zan khán film show neih a ni a. Bialtu Pastor Rev. Raju leh Tv. Sawma, Evangelist ten an buaipui a. Mipuiin an hlutin entu pawh an ṭhahnem hle a. Amaherawhchu vanduai thlák takin film show a zawh hmain Projector a chhe ta tlat mai a, a pawh hle a ni. A ram miten an kham lo hle a, remchang hun dangah neih leh tum a ni.

Oct. 19, 2021 (Thawhlehi) khan Maliapungar, Adava Bialah leh Oct. 22, 2021 (Zirtawpni) zan khan Sonakoranjay, Gillakuta Bialah te Film show hlawhtling takin neih a ni tawh bawk.

Oct. 24, 2021 (Pathianni) khan ringthar 2 Lal Isua zui turin an inpe.

♦ **Arunachal & Assam Mission Field (North)**

Oct. 24, 2021 (Pathianni) khan ringthar Lal Isua zui tura inpe an awm a, Field Secretary-in hun a hmanpui a ni.

♦ **Home Mission North**

Oct. 24, 2021 (Pathianni) khan Marpara North Bialah ringthar 7 Lal Isua zui turin an inpe.

☐ **Zin**

Oct. 28, 2021 (Ningani) hian Hortoki-ah Pastor Quarters enfelin Rev. Lianhmingthanga Sailo, Senior Executive Secretary leh Pu Lalhriatrenga, JE te an kal.

☐ **Synod Relief Fund**

Tun hnaia harsatna hrang hrang nei te hnenah Synod Relief Fund aṅangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Pukzing	Damlo	1	Rs. 8,000/-
2.	Muanna Veng	Damlo	1	Rs. 8,000/-
3.	Saitual	Damlo	1	Rs. 8,000/-
4.	Melthum	Damlo	4	Rs. 32,000/-
TOTAL				Rs. 56,000/-

☐ **Hruaina Eng FM Radio :**

OCTOBER 29, 2021 (FM Zoawi - Aizawl & Lunglei @ 7:30 p.m.):

Solo : Isak Malsawmtluanga - Vanram mawiah
Zaipawl : Vaivakawn Bial Zaipawl - Vanram mawiah khian
Thusawi : Rev. Rosiamliana Tochhawng - Lusun mangan
Solo : Zoramchhani - Isua hmangaina leh thatna
Zaipawl : Tuikual Bial Zaipawl - Vanram Lalpa buatsaih

☐ **Susamachar Prasaran Programme :**

OCTOBER 31, 2021 (Pathianni) 5:00 pm. :

Group/Choir/Solo : Luangmual Vengthlang - Tumhara Mann Biakul Na Ho
Group/Choir/Solo : Sihphir Bial - Yeshu Mashi
Sermon : Rev. David Lalramliana Ralte - He mere Prabhu, He mere Parmeshwar
Group/Choir/Solo : Champhai Bethel Pastor Bial - Hosenna
Group/Choir/Solo : Tanhril Pastor Bial - Mere Mashi

☐ **Moderator leh Executive Secretary-te Programme:**

Rev. Dr. C. Lalhlira : Moderator

Nov. 1 - 3, 2021 Synod Inkhawmpui inbuatsaihna Synod committee leh Board hrang hrang meeting-ah a ṭhu ang

Nov. 5, 2021 Synod Service Board

Rev. Lianhmingthanga Sailo : Senior Executive Secretary

Oct. 28, 2021 Hortoki Pastor Quarters en
Nov. 1, 2021 Synod Trust Committee meeting
Nov. 4, 2021 Synod Partnership committee meeting
Nov. 5, 2021 Synod Service Board

Rev. B. Sangthanga : Executive Secretary

Nov. 1, 2021 Synod Trust committee meeting
Nov. 2, 2021 Synod Social Front committee meeting
Nov. 3, 2021 Synod Worship committee meeting
Nov. 5, 2021 Synod Service Board

Rev. K. Lalrinmawia : Executive Secretary

Nov. 1, 2021 Synod Trust committee meeting
Nov. 2, 2021 Synod Social Front committee meeting
Nov. 3, 2021 Synod Worship committee meeting
Nov. 4, 2021 Synod Partnership committee meeting
Nov. 5 & 6, 2021 Synod Rescue Home Programme, Champhai

MISSIONARY TRAINING COLLEGE HRIATTIRNA

Missionary Training College (MTC)-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus hi Rs 50/- in office hun chungin MTC Office atangin lak chhuah theih a ni e.

Dil thei chin : CI - XII pass chin
Dilna theh luh hun hnukung : 18 February, 2022 (Friday)
Entrance Test : 1 March, 2022 (Tues); (9:30 AM @ MTC)
Interview : 3 March, 2022 (Thurs); (10:30 AM @ Synod Committee Room I)

Sd/-, Principal
Missionary Training College
Mission Vengthlang
Ph. No. : 2310157/2301337/9612164982

MSSU HRIATTIRNA

1. Kum 2021-ah MSSU Pathian thu exam loh tur thu:

Kan hriat tlan angin Covid-19 hri leng avangin Sunday School pawh neih hleih theih a la ni lo reng a. Hetiang hi thil awm dan a nih avangin MSSU Committee chuan kuminah hian Pathian thu exam pawh neih loh mai ni se. Zalawra Medal kan inpek thin chhiar nan pawh hman loh mai ni se tiin a rel a (MSSU Comt. 165:5 of 20.10.2021). Zawnna siam lo dawng tawh hman tangkai duh kan awm a nih pawhin Kohhran mal zalenna a ni ang.

2. Kum 2021-ah Sunday School kai kim chhiar loh tur thu:

Hripui leng avangin Sunday School kan kal mumal theih loh takah chuan kumin (2021) hi kai kim chhiar nan pawh hman loh ni se tiin a rel bawk.(MSSU Comt. 165:6 of 20.10.2021).

Sd/-
Rev. B. Sangthanga
Executive Secretary i/c MSSU

SYNOD REVIVAL HRIATTIRNA

Hripui leng mek avanga zan lamah Kohhran Inkhawm ala kalpui theih loh avangin AMC huamchhungah a remchan dan anga Street Preaching nei turin Synod Revival Speaker te sawm theih a ni a, Aizawl khaw pawn lam tan pawh a duh tan Revival Dept.-ah dil theih a ni.

MOTOR AUCTION

A hnuai tarlan Motor hi hralh tur a ni a, a lei duh chuan Rs. 1,50,000/- (cheng nuai khat leh singnga) aia hniam lovin mahni lei ngamna zat, address, phone number dik taka ziakin, chhanna chu envelope char thlapin a hnuai hming ziak hnenah thehluh tur a ni.

Motor : Bolero SLX - MZ 01 H- 4032
 Last date of Submission : Dt. 12.11.2021 ; Dar 2 pm thleng
 Hawn Ni : Dt. 12.11.2021 ; Dar 3 pm
 A hmun : Senior Executive Secretary Room, Synod Office

A hawn nia awm ngei, a chhang sang ber hnenah pek a ni ang.

Sd/-

Rev. Lianhmingthanga Sailo
 Senior Executive Secretary
 Mizoram Synod

WOMEN CENTRE HRIATTIRNA

Mizoram Presbyterian Kohran Hmeichhiate enkawl Women Centre, Phunchawng-ah kum 2022 chhung atan Puanthui leh Puantah zir dilna hawn a ni leh ta a. Presbyterian Kohhran Dan chhunga awm tan dil theih a ni. Puanthui zir tur mi 40 leh Puantah zir tur Batch tin atan mi 10 zel lak tur a ni ang. Puantah zirna hi Batch 3 neih a ni ang (January - April, May - August, leh September - December). Dilna Form chu Bial tin Kohhran Hmeichhe Secretary hnenah leh Kohhran Hmeichhe Department, Synod Office-ah lam theih a ni a.

Dilna Form la chhuak remchang lo tan PDF-a thawncchhuah hman hian Online pawhin dil theih a ni ang.

- (1) Dil theih hun chhung : Ni 18.11.2021 (Ningani) thleng
- (2) Interview : Ni 19.11.2021 (Zirtawpni) 10:00am
- (3) A hmun : Committee Room - I, Synod Office
- (4) Zirna tan hun : Ni 13.1.2022 (Ningani)

Dilna thawna tur No - 9862306787 / 8731000964 / 9436198411

Sd/-,

Rev. B. Sangthanga
 Executive Secretary
 i/c Kohhran Hmeichhia

PRESBYTERIAN BIBLE SCHOOL (PBS) HRIATTIRNA

Presbyterian Bible School (PBS), Mission Veng, Aizawl-ah C.Th zir duh tan dilna form siam sa, Office-a leiin November 30, 2021 chhungin theh luh theih a ni. December 14, 2021 (Thawhlehi) chawhma dar 10-ah PBS Lecture Hall-ah Interview neih a ni ang. Hre chiang duh tan Phone no. 8210377892 / 9862322112 -ah zawhfiah theih a ni e.

Sd/-, Principal

Presbyterian Bible School